

# OMUKWETU

Registered at the General Post Office as a Newspaper



AGUSTE 1971

No 14



## SUIDWESTER INA MONA OSHIHOLAMENO

Meni lyoshipalanyolo "Die ope brief" shi li moshifo Die Suidwester, momadhiladhilo goshinyolwa shika omwa holoka omaipulo kombinga yomayamukulo ga gandjelwe kiilyo iisimanekwa yEpangelo lyOwambo noKavango nolyongerki oonkwaLuther muSuidwes. lilyo iisimanekwa yomapangelo giilongo iyali ya tumbulwa mpaka, pethimbo lyetokolo lyompangu yuuyuni muJuni, oya yamukulile kutya yo niigwana yawo otaa ekelehi etokolo ndyoka. Manga oongerki dha tumbulwa wo mpaka, dha holola moombilive dhadho kEpangelo, kutya etokolo ndyoka otadhi li taamba, oshoka odha tala kutya olyo euvilo lyomagalikano ga ningwa ethimbo ele koongerki.

Epulo lyoshifo olyo ndika kutya eyamukulo olyalye tali talika li na oonkondo, unene aawiliki ayehe mbaka yoshigwana noyongerki taa ti, oya yamukula medhina lyoshigwana.

"Olyomalenga, nenge olyaamboka ewi lyawo li li mumwe naakwiilongo" osho oshifo shi ipula. Oshifo shika hashi zi mOvenduka, hashi longo wo ngashi okana kEpangelo, osha dhimbwa okwiipula nepulo ndika manga aakwanepangelo yamwe ya li taa matuka pethimbo lyetokolo lyuuyuni, okuhedha kaawiliki yoongerki okupula omadhiladhilo gawo. Oya li ya dhimbwa kutya ongerki oyi na aakwiilongo mboka taa kutha ewi lyongerki oonkondo.

Ohenda onene oyo ndjoka ishewe, okukala kwaakwiilongo mewi ndika kutya, otaye shi koleke noonzapo dha tya ngiini dha yela?

Konima oongerki sho dha gandja ewi lyadho, opo ihe Epangelo otali ipula omapulo itaage li kwatha we nokwiigameka kongundu yomalenga. Oshifo osha palutha okuyamukula oombilive, uthemba waaluudhe mpoka ye u tindililwa. Osha ti:

"Uthemba oshinima tashi uthwa kuuthigululwakalo, komukumo no-kooveta dhomautho gomoshilongo moka omuntu e li mo." Otaku popiwa ishewe, kutya emanguluko nkene kali shi evundakano lyomikalo omiwanawa. Manga omuntu wa hala okudhiladhila shika, otaku tiwa ishewe, kutya uthemba owa imbwa kii-maliwa mbyoka yaa po.

Oshini po ihe shi li mondjila? Uuthigululwakalo mboka Epangelo tali u mwenyake natango u kale oshilongitho shalyo mokwiigameka ngeyi komalenga? Ngele ongeyi, nena osha li sha gwana okuhulila mpoka, oshoka iimaliwa nando yi monike nomikalo dhaantu dhi tulwe melandulathano ewanawa, onkene ngaa ooveta dhuudiktator otadhi ehameke aluhe.

Aantu kaye na uthemba omolwoluhepo lwiimaliwa. Olye kwa li e na okukutha po oluhepo lwaaluudhe, ye a kutha po lwaatiligane?

Tala mokolome 3

## OONTOKOLWA DHEPANGELONGERKI

Kristof Shuuya sho a ithanwa kokursus yiinima yoombolo kuSwetserland iiwike yimwe, Epangelongerki Iya utha M. Ngipandulua a ka yakule kosikola yaasita, manga Kristof ta galuka. Kristof ota ka thikama muAguste nuumvo.

Onkundana yoluhodhi ya thiki mEpangelongerki kutya, aayakulingerki yaali aayevangeliste Daniel Efraim Okatope, naElia Kalola, Windhoek, ya mana oondjenda esiku limwe eti-2.6.'71. Epangelongerki otali halele aaselekadhi mbaka yaali naanona ekwatho IyaKalunga miinima ayihe.

Eindilo lyomukuluntu gwookoshuise Helmi Haapanen, okwiindila kepangelo lyoshilongo ekwatho lyiimaliwa medhina lyOngerki okutungitha ongulu kOlukonda kosikola yiilonga yiikaha, nosho wo ekwatho lyiimaliwa molwoondjambi dhaalongi, Iya ziminwa li ye kepangelo. Osho wo eindilo lyokudhika uungundu wokutonatela mookoshuise olya ziminwa.



Mestela S. Nghikefelwa

### Ote lihongo elaka, osheshi okwa hala oku va kwafa

Omulongifikola Sakaria Nghikefelwa, Kongo, okwa hokolola kutya, ye okwa hokwa unene okulihonga elaka loshitakumi, lOvayeleye, nde ota holola yo ehalo laye eshi a mona omhito ya tya ngaha yokulihonga mokati kavo muKongo. Omumati ou Sakaria, okwa kala nale e na ekwatafano nOvayeleye ava va kala meefuka daushilo wOukwanyama kohambo.

"Vahapu okwa li ovapiya vatate, nde kuvo okwa li nde lihongelako oitya ihapu," osho ye mwene a hokololela omutoolinghundanana.

Eshi a pulwa natango kutya oshike tashi mu fininike okulihonga elaka la tya ngaho li djuu, okwa nyamukula kutya ote shi ningi unene, osheshi okwa hala oku va kwafa mokulihonga kwavo.

Tate Sakaria, okwa hongwa mosheminali mOngwediva omo a pita 1969. Okwa longa tete pokati kOmundaungilo nEenhana. Opo nee neudo okwa mona omhito ei okukala mokati kOvakwanghala mOkongo nokukonakona tete elaka lavo pamwe nomutumwa Terttu Heikkinen. Okwe shi linekela kutya ota ka hovela diva okuhonga ofikola yOvakwanghala. Omunyasha natango weedula 30.

### A imbwa okulonga oilonga yaye yopamhepo

Omufitaongalo Cosmos Desmond, muJohannesburg okwa tulwa modolongo yomeumbo omafiku a dja ko, omo ita talelwa po nande komunhu, shapo omundohotola aeke ile kuxe naina. Omushamane Desmond okwa ufilwa a kale ha holoka kombelewa yopolifi Omaandaha keshe, ye ita talele po nande eumbo limwe, ye ita kala moshoo-ngalele shonhumba. Olomakaya nOshoondaha ita monika nande pondje yeumbo laye.

Oshitrafa ei ote i longele oule weedula nחנו. Inaku hokololwa eshi she mu etela ehandu li fike apa, nde shiimba omolwoveta yekelelo loukomunisme.

### Oilongifo yOshilongatumo

Eepena mbali keshe imwe ya kosha R2. 50, oda yandjwa koshilonga shevangeli osho hashi longwa mOshinyanyangido shaNiipa kukaume ketumo, omunyasha Israel Neumbo. Meembilive mbali da enda pamwe nomaano etumo, tate Neumbo okwa hovela ngaha: "Tate Moses Amkongo, tambula ekuva mumati wOmwene, u shiive okukokola nalo ofuka younyuni ou, okomukalo wevangeli momapya etumo, pamishangwa odo ha mu longekida mongulu yeni yomishangwa, mOshinyanyangido.

"Tate Sebulon Ekanjo, tambula etemo u shiive okupapula nalo omaputa omepya letumo, ngashi u shi lile po mongulu yetumo, mOshinyanyangido."

Omwene woshilonga shevangeli ohatu mu ilikana a punike okandjato katate Neumbo ka kale ke na sha alushe osho e shi pmbwa.

### Suidwester ina mona oshiholameno

Dha za mokolome 1

Onawa unene oshifo sho sha dhimbulula nkene omahala gaatiligane taga hokitha ge vule gaaluudhe. Ihe ongerki mokupula uthemba womuntu, inayi dhiladhila aatiligane ya tembukile momahala gaaluudhe nenge aaluudhe ya tembukile momaha gaatiligane.

Uthemba okukala peha lyoye pwaa na ngoka te ku tumbu po pwaa na euvathano. Uthemba otatu monika meinyengo uuna mboka yu uvitathane nkene taa vulu okweendathana memanguluko nomombili nohole pwaa na okutala olupe lwokombanda lwehala kutya olwa tya ngiini. Ongerki oyi indile iigwana yaS.W.A. yi talike oshigwana shimwe sho shika itashi ti evundakano.

Ongerki otayi shi tala natango nolukeno molwangoka e na oonkondo dhokwoopaleka onkalathano yiigwana yaS.W.A. sho inaa hala okutala omunwe gwongerki mpoka tagu ulike, sho shi opalekwe mombili nomohole.

## lilonga yi na eyambeko 2Tess. 3:10-13

**Euvitho lyOsoondaha 9 ya landula Uu-  
kwatatu.**

Omutameki gwiilonga otatu mu adha mu-  
Moses lyotango miilonga yeshito lyuuyuni  
nolyiishitwa ayihe. Andola Kalunga ina itu-  
la miilonga yeshito, andola oye awike a ka-  
la nOmwana nOmbepo Ondjapuki.

Paulus okwa li a kumagidha Aatessalonika  
ya longe, oshoka naKalunga okwa longo o-  
muntu petameko, "Oshikwiila shoye u na o-  
kushi lya wa pusha omazigudhe koshipala."  
1Mos.3:17.

Ano Paulus ota popi ngeyi kutya shaa ngo-  
ka na longe, ngoka itaa longo, ina lya wo.  
Omunanyalo ngele ta li shoka sha longwa  
kumukwao, ota yaka, oshoka omazigudhe  
ge oga kala ga mwena moshipala she, inaga  
ziya mo. likulya mbyoka te yi li, oyokufuta  
nakupusha mwene.

Omuntu ngele ta longo iilonga ye, oyo  
eindilo lyiikulya lye nuuna a mono iikulya  
ye, osho eyamukulo lyeindilo lye. Mpaka o-  
tandi ti, Kalunga okwa gandja komuntu o-  
magano ngaka; oondunge, iikaha, uukolele,  
ethimbo omuntu e ga longithe, ye a pewe  
miilonga ye shoka e shi pumbwa.

lilonga otayi siikile oluhepo lwomulongi  
manga onyalo tayi tula omuntu pomutenya.  
lilonga oyo eyambeko lyomuntu, lyoshigwa-  
na, lyoshilongo, lyongerki nenge lyegongalo.  
Aantu mboka taa longo, oyo ye na sha wo  
notaa vulu okugandjela sha moshilongatamo.  
Oyo wo taa kwatha oohepele, oyo taa gwa-  
nitha oofuto, oyo taa fendele nenge taa ga-  
ndja iigandjwa yegongalo.

lilonga oyo ombinga yimwe yelongeloka-  
lunga ngashi Jakob ta ti: "Eitaalo lyaa na  
iilonga olya sa." Jak. 2:14. Itashi ti andola  
iilonga tayi gwedhele keitaalo lyoye, oshini-  
ngwanima shehupitho lyoye shi wape oku-  
gwanithwa, aawe. lilonga yoye oyo ehambe-  
lelomalunga omushiti gwoye. Oye evuliko  
lyomwiitali notayi ulike uvalwa womuKalun-  
ga. Oshoka Kalunga kee shi omunanyalo.  
Jesus ta ti:

"Tate ota longo sigo ongashingeyi, nanga-  
me wo tandi longo." lilonga otayi yambeke,  
ihe onyalo otayi shundula. lilonga otayi ga-  
mene wo omadhiladhilo gomuntu ga kale o-  
wala mushono te shi longo nota pewa o-  
mvulwe yoomposi dha gwana. Omaendagulo  
nomadhiladhilo omawinayi noohapu dhaafe-  
le, ohayi kala kondje yomulongi.

Aananyalo oye na ompito okuya moohapu  
dhaa shi dhawo. Onke Paulus ta ti: "Oha-  
tu uvu ku na yamwe ye na uuhethi, haa  
itula moohapu dhaa shi dhawo. Mboka ota-  
tu ya kumagidha ya kale ya ngungumana,  
ya longe yo ya lye oshikwiila shawo."

*Filippus limene*

### **Ve likunda naVorster**

Elenga enene nomupangeli wOvazulu, Gatsha  
Buthelazi, okwa talela po omushamane o-  
mufimanekwa B. J. Vorster, oministeli yo-  
tete yaS.A. Omupangeli Buthelazi okwa  
indila ovalaule aveshe va hongwe pehe na  
ofuto yasha. Okwa indila yo ministeli Vorster  
a wanife eudaneko laye kutya Ovazulu ota-  
va ka wedela edu lavo li kale la kula. Okwa  
indila yo ewapeko leendjabi, osheshi pafa-  
tulo laye (Buthelazi) okwa mona oixuna  
okunyamukula omapulo eedjabi da tongoka  
nai pokati kovalaula novatilyaane, pefimbo  
letalelopo laye kuAmerika.

Epangelo laS.A. ola shiivifa yo kutya ova-  
wiliki vomadumbo amwe ngaashi oyoyu omu-  
shamane Buthelazi naKaiser Matazima, onava  
ka ya ketalelopo kuLondon.

## VE LIMONENA OMUBISHOFI OMUYAFRIKA Mapumulo, Natal

Ongerki Onghwaevangeli paLuther moubu-  
wanhu waAfrika, oshikandjo shokoushilo-  
mbuwanhu (ELCSASER) The Evangelical Lu-  
theran Church in Southern Afrika, South-  
ern Region, oya kala eedula dihapu mepa-  
ngelo lovabishofi ovatilyaane, ndele okutame-  
ka 1.7.71. oya mona omubishofi omulaule.

Ehoololo eli lomubishofi Omuyafrika, la  
ningilwa molupale lunene lofikola yokomba-  
da youteologi yaMapumulo. Oshoongalele-  
ngerki osha ngudumana miomhepo yexwamo  
opo ve limonene omubishofi woshipa shila-  
ula ve mu djuulukwa efimbo lile.

Ovashamane Paulus Ben Mhlungu, omupa-  
shukilitaingerki shaDurban na-K. J. Msomi,  
omupashukilishitaingerki shaEshowe, ovo kwa  
li va shaamekwa mehoololo pu kufwe umwe.  
Eshi kwa monika luhapu eendaka di fike  
pamwe mehoololo, ile inadi hanga  
mbali yomunhatu 2/3, ei tai ufa etokolo, e-  
hoololo eli la ningwa konyala moule woma-  
fiku avali. Mhlungu (60) Omuzulu, oye ta  
ka yapulilwa diva oubishofi eti-19 Septemba,  
eshi a mona eendaka 2/3 komutwe. Oilyo  
yoshoongalele oya li 69,000

Bishofi Mhlungu okwa kala omupashukili-  
shitaingerki shaDurban nomuponhele womu-  
bishofi Helge Fosseus, ou a efa oshilonga  
eshi oudwaali pexulilo omolwoungone wo-  
lutu nokwa shuna kuSweden.

### **Pata a hiya uukumwe womagongalo**

Pata Pollitzer okwi indile nokuhiya omago-  
ngalo goongerki dhilwe muGobabis ga go-  
ngale pamwe. Omagongalo gongerki onkwae-  
vangeli paLuther, gongerki yaAfrican naa-  
ndyoka ihe lyaKatolika, oga gongalele pamwe  
esiku lyEtililo lyOmbepo Ondjapuki, oyo  
ya galikane pamwe ngashi aalongwa yOmuwa  
ya ningile esiku ndiyaka lyetililo.

Osha li oshikumithi momoho gaantu oku  
shi tala nosha li wo shi na omulyo. Elalaka-  
no lyasho oyo okulongela kumwe muu-  
mwayinathana womuJesus Kristus, u pangele  
noumange kumwe oongerki nomagongalo  
gaKristus. Oshoka oye Omwene gwomagong-  
ngalo. Patiyali osho okugalikanena aakriste  
momagongalo ya mone Ombepo Ondjapuki  
moomwenyo dhawo, oyo ya tonde uulunde  
noonyata kehe. Ya lalakanene uuyogoki  
womwenyo nolutu, ya pupyale meitaalo o-  
kulongela Omwa gwawo. Oshilonga shEtumo  
mongerki shi taandele.

Pata Pollitzer okwa li a pandula egongalo  
lyaakriste lyokumwe lya tya ngaaka. Ayehe  
ya gongalele mo oya li ye thike lwopo-740.

*Ev. Simon Amutenya*

**Ota indile ku ningwe omadiladilo ombili**  
Dr. Mburumba Kerina, Omuharero, ota indile  
pefimbo lopaife kulongifwe omadiladilo o-  
mbili. Moradio omushamane Kerina okwa ti  
kutya nande nee S.A. muSuidwes oku li mo  
pondje yoveta, nande ovanhu vaNamibia ova  
pikwa keembulu nokuhepekwa va kufwa  
oufemba, fye otu na omhito yokulongifa  
omadiladilo ombili oo taa fikifa elalakano  
letu kondabo. Okwa ti, okukala kwetu okwa  
yambulwa po kohofa younyuni, onghe hatu  
indile kepangelo laS.A. li ehene kovawiliki  
vaNamibia va kundafane efinamhango lema-  
nguluko mepashukilo laAmerika.

Omushamane Kerina oo a fiya po nale Suid-  
wes peedula 1950, okwa ti kutya vo ova  
itavela ashike okukumwe waNamibia alishe,  
oiwana aishe i manguluke meenghono do-  
vanailongo. Dr. Kerina ote li hongo natango  
muAmerika konima eshi a kala nokukondjela  
emanguluko laNamibia efimbo lile.

## Ovanafikola va konga Ushona

Ofikola yokombada yaNgwediva, mOwa-  
mbo, oya enda kolupadi eemila 20 va ko-  
nge ohamba Ushona Shiimi pOndangwa o-  
po ve mu ulikile nhumbi va tambula eto-  
kolo lomhangu younyuni. Ovanafikola ve  
dule omafele ane ova enda meshikulafano li-  
wa nokudingonoka eembelewa va yelula e-  
pandela lavo la shangwa Namibia. Ova shu-  
na ohamba inave i mona.

✦ ✦

### **"Lekela ovanhu vange"**

Apa otapa holoka kutya efimbo laKalunga  
lokumangulula ovo va kala efimbo lile mou-  
pika, ola fika noitali dulu okukelelwa kuFa-  
rao. Okukala kwoupika ohaku etele oona-  
kupikwa omafininiko nomahodi. Eilikano lo-  
mupika oli fike pamwe nonghuwo youfiku  
oyo hai udika kokule, unene kuKalunga.  
Nde Farao ina uda oudjuu ou, nomahodi  
aa ine a mona. Okwa kala e na eenghono  
nomakoto ouhahende okutomha okuheka  
ovo ve na oufemba, va kalekele Ovaisrael  
moupika.

Eshi ashishe ote shi ningi osheshi okwa  
dina Kalunga ou ta ti: "Lekela ovanhu va-  
nge." 2Mos. 5:2 Apa otapa holoka nee o-  
shiponga shaFarao, eshi ta patafana naKalun-  
ga. Kalunga nenge ta mangulula, Farao  
ita dulu okutwikila ko vali, nande na ke-  
ndabale okulandulako nomatamba noilwifo.  
2Mos. 14:30-31. Ovo Kalunga te va mangu-  
lula, itava kwatelelwa vali moupika kova-  
shitwa vakwao. *Asser J. Halundonga*

### **Omadina a hololwa**

Oifo ya tetekela oya tile kutya ekonakono  
lefyo lomulumenhu umwe moKavango oli li  
metifa, oyo ku monike ou e mu dipaa. Paife  
edina lanakufya nolomudipai waye ola holo-  
lwa poluhaela. Nakufya oye Mashije Maweta,  
weedula 60, nokwa dipawa kuAlfons Maya-  
vero Shoko, weedula 38 namumwaina Max  
Shoko weedula 25. Mekonakono leemhangu  
okwa hokololwa ngaha kutya, omona wa-  
nakufya okwa vaka oimuna mofuka, nde eshi  
a kwatwa nokwa tulwa momalyenge, xe  
okwe mu mangulula mo shihe shiivike.

OoShoko ava ve li eehamba daKavango,  
ova kwata omushamane nde tave mu denge  
fiyo okufya noku ke mu paka moixwa. O-  
mona wanakufya oo a mona yo oixuna ko-  
madengo, okwa twalwa moshihakulilo. Oih-  
kolola oya hovela mombaalewa yoshilongo  
moRundu fiyo mOshivanda. Omudimba eshi  
wa fulwa mo, okwa monika kutya eemhati  
danakufya dimwe okwa li da teka osho yo  
ekipa limwe lonhulo.

Alfons Shoko, oye umwe womepangelo  
epe laKavango noministeli youyuuki. Eshi tave  
ke shi ningilwa otashi ka udika komesho.

### **Onda kanifa**

Ongombe odidi ilaula yoiposhe  
komaulu, neembinga da yuka po-  
mbada, inai kumwa nande komat-  
twi. Oi na omushila womupembe  
noshihako.

Ou we itoola, shangela kuE-  
rasmus Dengeinge, Ongwediva,  
Pk. Oshakati.

# Iilonga yomagongalo mOndonga 1970-1971

Efupipiko lyehokololo lyomutonatelishitayingerki Rev. Timoteus Shipanga

**Iilonga mbyoka hayi ningwa komagongalo miitayingerki yomagongalo gongerki yaElok, ohayi dhimbululwa ashike metulokumwe lyehokololo lyaatonateli yiitayingerki ngaashi ye shi pewa kEpangelongerki. Iilonga mbika oyo wo hayi pe elelo lyoshitayi shoka uyelele, shi tseye oompumbwe naashono tashi inyenge mokati kasho.**

## OMUMVOLIGOLO

Omutonateli Shipanga okwa holola pafupi omalimbililo ngoka ga li taga inyenge moshitayingerki shika, ngele ope shi tuu shili okudhanwa oshituthiligolo shetumo pashitayingerki, moshitayingerki moka mwa dhane nwa nokuli kuuyuni auhe oshituthi shoka muJuli 1970. Omutonatelishitayingerki, ine etha owala inaa tumbula omukumo gwoshitayingerki shika mokuhala okudhana oshituthiligolo nonkene aasita oyendji naatumwa, oyi itula mo moshinima shika. Unene tuu "omalongekidho ogendji ga ningwa komutu mwa meme Anelli Hirvonen," osho tate Shipanga a tumbula. Osho wo omukwaniilwa Filemon Elifas, mwene gwoshilongo.

## OSHILONGATUMO

Ngele taku popiwa kutya ongerki otayi longo oshilongatumo, nena osha yela nawa aluhe kutya omagongalo mongerki ndjoka ogo tu ga humbata oshilonga ashihe. Euvitho lyevangeli ndyoka tali ningwa momalongelokalunga moongundumbimbeli nomiiyongu yi ili noyi ili momagongalo oyo omulilo tagu pupyaleke omitima dhaakwanegongalo dhi ze uatalala wonyalo nuunye wokwiihola komeho gomukwawo. Osho sha ningwa nomoshitayingerki shaNdonga.

Omadhina ngashi oomeme Anelli Hirvonen, Else Witting naHelka Honkanen, oga tumbulwa mehokololo lyoshitayingerki shika sho ya kondjitha oluhepo lwomeya mepya lyetumo kOnankali ndoka talu kata oshilonga shevangeli mpeyaka. Ihe omeya momuthima gwondungu ndjoka sho ga holoka ka-



Tate Toivo Pentikainen, okwa shuna manga kOsoomi negumbo lye, konima sho a matuka koombinga noombinga dhOwambo noKavango okuningila aanashilonga ayehe yongerki iigongi. Omukwetu ote mu halele efudho ewanawa hwiya, ye a galukile mpaka noonkondo odhindji dhopambepo nodholutu.



Aakriste ayehe muuyuni auhe nomoongerki adhihe, ohaa longitha ethimbo lyawo okulonga iilonga yii-kaha opo yi imonene sha shoka tashi ningi iikwatha yoshilonga shetumo. Pamukalo nguka, oshilonga shetumo osha yambulwa po, nevangeli olya mono ompito moomwenyo dhoyendji. Mbaka taa monika mefanondika nayo wo oyi ipyakhila niilonga mbyoka moshitayingerki shaNdonga.

ga li ge shi okulongithwa naanaa.

Aantu oyo tuu mboka ya kondjo okukonga omeya mevi, oya ka tsikila natango nokukokola epya lyokulongwa, iipalutha yi mo nikwe, Aayeleele mboka taa uvithilwa opo ya monenwe iipalutha. Oondoloma dhomeya niikulya ya falwa kOnankali esiku nesiku. Na amboka ya longo ko, ya silwa oshimpwiyu noya paluthwa. O, "oonkondo dhomuthigona ihadhi pu molutu," osho tate Shipanga a tumbula mehokololo lye nepandulo.

"Yambala ohayi li aagoya," pamwe etumbulo ndika lya fala pombambo kashona moshilonga shetumo wo mokati kaakriste oyendji. Omutonateli Shipanga, okwa holola mehokololo lye nkene omagongalo gamwe ga dhimbulukwa oshinakugwanithwa shago noye shi ningi nokuli "oomvula noomvula." Otashi tundulukitha aakriste yomagongalo ngaka ya tsikile shili eithano ndi ka mombepo yeifupipiko noyohole. Noshongitika omutonateli a hala, omagongalo ngoka taga mwena moshinima shika notaga ningi, yambala ohayi li aagoya, ga dhimbulukwe kutya oshilonga shika oshomukriste kehe peha lye e na oku shi tsakanitha. Omagongalo ga longo nuupenda ogo:

Oshigambo, Okaku, Onayena, Oniipa, nonuumvo pwa gwedhelwa Olukonda. Ehokololo olya tsikile nomadhina gamboka ya longo wo oshilonga shika ponto yomagongalo ngashi:

Meme Anelli Hirvonen .....	R30.00
Jeremia Kangonga ....	5.25
Boas Mweendeleli ..	5.00
Ongalo yoshituthiligolo mOlukonda.	287.56

Ope na wo mboka ye eta moshilongatumo iniima yilwe yaa shi iimaliwa ngashi, Ev. Lasarus Katoma pamwe naamati ye, kwa zi iizalomwa. Osho wo kumeme Elina Moses Ev. Simon Shiwagala, oshako yepungu. Ayehe mbaka oyokOvenduka.

Osikola yoontungwa nomukuluntu gwayo

meme Johanna Uukule Olukonda, ya talelo po Onankali noya tumine iizalwa kOnyuulaye; Okangundu kookuume yetumo mOnayena ka gandja iilya niipalutha yilwe; Tate Petrus liyambo, Okaku, a gandja iilya; Egumbo

lyatate nameme Aili Amupadhi lya gandja iizalwa.

## IIKETHA YOSHITAYINGERKI

1. Pahokololo lyomutonatelishitayingerki, oshiketha shotango, ano shiilonga yilwe kayi shi yoshihauto, omwe ya R6645.18 okuza Juni 1970 sigo Juni 1971. Mbyoka ya longithwa methimbo lya tumbulwa pombanda, R5649.58 nopwa hupu R995.60.
2. Oshiketha shoshihauto shika okwa ti kutya ekoko lyasho otali dhimbululwa nuudhigu kashona, oshoka osha za moshiketha shotango nohashi taambwa kusho natango. Onke oshi na nokuli ongunga yasho R663.11. Ihe musho muule wethimbo lya tumbulwa nale omwe ya R1094.49.

## IINIMA YIMWE PO

Egongalo lyaNayena oli imonene ongerki ompe, ndjoka yotango sho ya mono oshiponga shomulilo. Oshilonga shaagundjuka yongerki ayihe mewiliko lyaRev. K. Dumeni oshii ipyakhidhila netungo lyongerki kOnankali ngashingeyi. Egongalo lyaShaango olya tungile omusita egumbo moka mu na wo oshinyangagongalo. Olya tungu wo ongulukwatho yelongelokalunga.

Omutonateli okwa tumbula wo nkene oshitayi shi imonene onkelo yomagongalo Onguta, moka omudiakoni Aili Amupadhi okwa langekwa mo, osho wo omuyevangeliste Stefanus Shivolo. Mekwatelokumwe lyiilonga yi ili noyi ili tayi longwa moshitayi shika, otaku dhimbululwa nkene Kalunga eyi yambeke omolwondjuulukwe yaakwanegongalo momalelogongalo nkene taa kongo noya yuulukwa ekwatathano nOmukulili gwawo. Onkene okwa tumbula ngeyi tate Shipanga: "Tempora mutantur, nos et mutamur in illis" kokutya, Ethimbo sho tali lunduluka natse wo otatu lunduluka mulyo. Ihe Jesus oye tu nguka ohela nonena nosigo aluhe. Ano ehupitho lyetu itali lunduluka."

## OSHO NDA DIDILIKA MUEUROPA

**Omudo wa ya owa li omudo wehambelero mumemengerki muSoomi. Tete oshivilo shelekelo lovatumwa votete sha danwa muHelsinki, moshilando shepangelo laSoomi. Osha ningwa muMai, eshi ovatumwa venya va fikamene petulilo leeshikepa, li li popepi nongulu yetumo 1889.**

Ovanhu vahapu va dja koumbanganhulela kuLapland nomoitaingerki aische yomuSoomi, va li va ongala mo ve fike po-8000. Ovatumwa vakulu va li mo yo novatumwa vongerki oyo ya dalwa kumemengerki, Owambokavango novalihongi vetu ve li penya omo yo va li. Ovawiliki veengudu dookaume ketumo vomomaongalo mongerki aische okwa li va ongala nawa. Moshivilo pefimbo leenghunda fana, oshilongatumo momapya etumo omo Ehanganotumo laSoomi tali longo mo, sha kundafanwa unene.

Ovaprofessori va eta oipopiwa iwa, imwe ngashi ei: "Omuyafrika ota tale ngahelipi okriste note u tambula ngahelipi. Ngenge Omuyafrika moule weitavelo ta dulu okunyamukula omapulo aa:

Pamwe muAfrika omu na omifyuulwakalo doshiyeuropa da fiwa mo kovatumwa votete ava va mona tete edu, ngashi Dr. D. Livingstone?

Nande ovatwali vevangeli va udifa nomikalo davo, eudifo lomushiakano la eta elunduluko movanhu ovo kwa li va kaka, nde ova kala ovandjolowele palutu nopamhepo yo. Oshilongatumo osho oshilonga shongengerki aische. Eengerki domuAfrika nadi udife momhepo youporofeti yo. Oinima tai pumbwa ehongo lipe ile elunduluko nai ko nekiwe. Elongelokumwe leengerki otali pumbiwa, opo omaimbo haa holoka moshilongo, a kufwe po.

Nhumbi ovalihongi ava tava di momapya etumo muAfrika, ve ke lihonge penya tava kwafwa, sha kundafanwa yo unene. Omufindo moshongalele shinya owa li unene opo kutya eengerki da dalelwa muAfrika, odi na omhito yokuyelula ondaka yado ngenge pe na omhumbwe yasha, nande di kale da manguluka.

Moshivilo shinya omwa imbwa yo oitevo yOshiafrika, nde osha li shinyakula unene. Oshivilo osha li sha wapala koipala ilaula yOvayafrika va dja momapya Etumo, nOvawambo yo.

### Oikonekiwa

Onda enda moilongo ei, Swedene, Soomi, Denmark, Greka (Griekeland), Palestina naNdowishilanda. Momadu enya, ovanhu va manguluka okweenda apeshe opo va hala. Soomi naSweden, oilongo ikoshokilela novakalimo vayo. Okriste wa mona omhito fiyo mEpangelo lavo. Oshilongatumo osho elalakano limwe linene lomoilalakanenwa yomadu aa. Efixaneko lomunhu ngashi a talwa okudule oishitwa aische.

Kakele koilonga ei ivali, ile. Palestina, omu na ehongo tali tandavele naEuropa tali etwa kovateis, ovanhu ovo inava itavela nande Kalunga kutya oko e li. Pamhepo yehongo eli, ola hala yo okufika muAfrika.

Okuyepa omhepo ei, ongenge ashike Evangeli la yela tali endeletifwa li fike meefiko la dounona, otundi yeendjovo daKalunga i talike oshinima shondilo shili. Osho yo moyongalele yovanyasha, meetundimbibeli noho tuu. Epipi lovanyasha olo oshiwana nongerki yokomongula.

### Palestina

Nande nda ninga eehani dimwe eshi nda aluka kuEuropa, paife onda tambula ekundo lovanafikola vokuJerusalem, Ovayuuda nOva-

yarabia, tava indile tu va dimbulukwe tu na yo momailikano. Oshilongatumo penya otashi longwa po nouduu kovatumwa Ovasoomi. Ovayuuda ova diinina natango eemhangoko dikulu dEtestamendi Likulu! Ove na yo omaupyakadi oita yavo. Mondjuwo yeeveta (parlemente) yavo, otamu tokolwa alushe olwoodi, nande Ovayuuda ovo ve li po okangudu kanini kovakriste, otava kendabala okutunganga ombili, nde itashi kwafa.


"Kwafa ovanhu voye Ovaisrael, u va file onghenda," osho hatu ilikana meilikano linene longerki. Kalunga mwene taka patulula omesho oshiwana mondjila oyo ye mwe-

ne te i ufa. Osho ovakriste ve na oku shi dimbulukwa, osho okwiilikanena oshilongatumo yo penya.

Eenhele odo dimwe opo Omukulili a li po odi li ngashi di li. Oshikulundudu dhaGol-gata oko ohonde yOmona waKalunga ya tikile ko, osha fikama fiyo onena. Ngenge to i koumbanganhu kuGalilea, edu olo ngashi elundu la hapa nawa

Mokutala aische, otashi koleke eitavelo. Nde omuhamedi yo (elongoitavelo loMuhamed) otau longo neenghono penya. Nehongo eli ola tandavela moushilo waAfrika letweni. Nde Kalunga na hambelwe eshi ondaka yevangeli ya fikifwa ya yela nomuSuidwes letweni.

Rev. Leevi G. Max



*Omuhongi David Livingstone, Omwiingilisha, oye a taakana Afrika pokati fimbo inali shiivika kOvayeuropa, nde okwe li udi-fila emanguluko tali di mevavangeli. Apa ota monika ta lesha Ombibeli nOvayafrika ve mu kalela.*

## Omapulo nomayamukulo

Kankameni Ndevahonya, Ombogodhiya, Ongandjera- "E mu opalela," otashi ti ngiini? Gen.2:18.

Okwe mu opalela, ine mu sheshwa. "Namwenyo omwaanawa ke na namuntu, ye ke na naamati yokOlange, Nambenzi dhomugamba shimpa nga e ya po, nomwenyo osho gwa tundulukwa." Shimpa va talathana, kape na mpito yekunyukwathano.

**Omolvashike aakuluntu haa ti, "Konga omumwanima?"**

Oya tala kutya oye e ku opalela.

**"Omolvohondelo omukuluntu kehe na kale e na omukadhi," aamati taa popiwa, nenge aasamane?**

Ayehe otaa popiwa mpaka.

**Omukadhona ota kehele ngiini omumati gwe koluhondelo?**

Shoka omukadhona ta vulu, okugalikana ashike nokupukulula omumati gwe, opuwo.

**Omolvashike aasita haa kondo aantu, mOkatekisa okashona taku tiwa, omumbisofi oye awike e na oonkondo okukonda?**

Aambisofi oya li ye na oonkondo dhokuthinga aalongi yiilombo, aapukithi yomegongalo, opo oshimpaga ashihe shi kale methingo lya tya ngaaka. Ihe aakriste yowala ohaa konda kelelogongalo nomusita te shi holola nduno melongelokalunga kutya, ngwiya ya ya miikaha yasatana.

**Omolvashike aantu taa gandja iigandjwa, nando iina kolekwa?**

Shimpa wa shashwa ngoye wa koka omimvo 18, oto pulwa iigandjwa nando ino kolekwa. Omukriste kehe omuna gwaKalunga, onkee ota yakula egongalo lyaandjawa.

**Omulumentu ota thigi po he nayina, eta imangeleke ngiini komukadhi?**

Oyo nomukadhi taa ningi onyama yimwe, ezimo limwe. Ota manguluka lela kaakuluntu ye, itaa yi pokati koondjokana, oshoka ope naa aakuluntu yamwe haa yi pokati koondjokana dhoyana nohaye dhi yono.

Jason Amakutuwa

## EFATULULO KOIFO

Omapangelongerki eengerki mbali dovadalelwamo, eengerki eenghwaLuther muSuidwes o-kwa nyola eembilive mbali, imwe ya tumwa koministeli yotete yaS.A. naimwe komaongalo omo twa holola omadiladilo etu mokukwafa ovanhu. Mokuninga ngaha, osho oshilonga shetu osho Omwene te shi teelege kufye.

Mokulesha kwetu oifo, otwa mona kutya ovatilyaane kave tu uditile nando ombili. Inave tu itavela. Shimwe ashike otwe shi koneka kutya omaongalo etu ovadalelwamo oku tu uditile nawa, shaa shi ohatu popi oshili yoovene. Oifo novatilyaane vamwe, otava ti, eengerki kadi na okupopya ngaha. Ovanhu vetu ovo hava shakenekwa koukwatya mwii wefiku keshe, ova pandula Omapangelongerki eshi tae va popile ko. **Osho hano fye otwa fikama meendjovo tuu odo, ngashi twe di popya nale meembilive odo.**

Eenediladilo letu olo twa holola koministeli yotete, olo tuu olo eshi twa dininwa oufemba wounhu. Osho osho ovadalelwamo vetu have shi ningilwa. Otu shi wete ngaa, nghee Epangelo tali longifa oimaliwa molweehenokomesho, ngashi eefikola oipangelo neesheminali nosho tuu. Ope na ngo omahovelo e li ngaho novanhu ove a pandula ngaho. Ashike fye ovalaule inatu valwa ngaa-shi ovanhu. Ohatu shundulwa mokukalamwenyo kwefiku keshe. Otashi tu yehameke unene. Oshinima eshi oshi na okuwapekwa.

Ope na oinima ihapu ii, oyo hatu i ningilwa, tai kondjifa oufemba wounhu. Otu na onhumbu mu yo. Elalakano yo letu mokushangela oministeli yotete, okuholola oinima tuu ei kEpangelo.

Mombilive yetu otwa popya kutya Suidwes oli na okukala kumwe, kali na okutukaulwa melipangelo lalo. Epangelo yo ola hala okuyandja elipangelo lokakombonoludi, ngashi elipangelo lOwambo, lOkavango, lOvahelero, lOvadamara, lOvanama nosho tuu. Oshiwana shOvasuidwes oshinini, sho tashi tukaulwa vali ngaho, nande fye twa hala okukala kumwe. Fye inatu hala okakombonoludi, otwa hala oukumwe waSuidwes alishe.

Omolvasho twa tya kutya Suid-Afrika na udafane noV.V.O, mokuyandja elipangelo lashili kuSuidwes alishe novanhu valo aveshe. Fye otu na okukala kumwe twa mangeluka moshilongo shi mwe Suidwes-Afrika, sho osho twa pula kEpangelo laS.A.


Elalakano letu okuholola okushundulwa kwetu nokuhe na oufemba wopanhu. Fye ovanhu naana, ngashi ovanhu vakwao notwa hala tu talwe ngashi ovanhu, omolvasho hatu shi pula.

MOvenduka eti-23 Juli 1971

(Ovashani) Omubishofi Dr. L. Auala  
Omuwilikingerki P. Gowaseb

Ombilive yopaufita ei ya tuminwa kOmapangelongerki eengerki eenghwaevangeli paLuther muSuidwes, komaongalo, naayo ya tuminwa omufimanekwa Johannes Vorster, oministeli yotete yaS.A. omafiku aa, oifo ihapu neeradio ova hovela okufatulula oshinima eshi ponghulo, nepiyaano ola holoka kanini muvahapu, onghe ovawiliki veengerki da tumbulwa ngashi yo omadina avo taa monika koshi yomukanda ou, ova kedambala okuyelifila ovanhu nombilive ei, opo omalimbililo aha tandavele unene.

Omubishofi Auala ota ka shakena naVorster



**EPUKULULO**  
**Moshifo shika ep.4 pomadhina gonakulonga oshilongatumo mpoka pwa nyolwa Anneli Hirvonen .....R30.00, osha puka ihe odhi na okukala R300.00. Osho wo onomola yoshifo kombanda, oyi na okukala onti-15.**

*Omubishofi Dr. L. Auala, efano ola fanekwa pefimbo eshi a pewa onghatu yu-ndakotala.*

**A tsikile ishewe oshilongaithano she**

Epangelongerki lyaElok, sho lya dhimbulula omusitagongalo Herman Shongolo, Ontananga, ngoka a mweneke-lwe kEpangelongerki numvo, nopwa dhimbululwa okukala kwe pethimbo iyemweneko, kutya oku shi nokwo opalela okushunithilwa oshilonga she shuusi-ta, oye mu uthile a tsikile oshilonga she megongalo lyaNtananga, ngaashi shito.

fatulula elalakano loshitwa keshe shihe uditike ko nawa, inandi mona exulilo. Eshakeno lomubishofi Auala nomufimanekwa J. Vorster, eli tali ka kala ko shiimba 18 Auguste mOvenduka, otali ka twikila natango eenghundafana edi.

Oilyo oikwangerki ine, tai di mukesho Epangelongerki leengerki edi mbali, otai ka kala yo meenghundafana. Inashi yela natango olyelye ta kalele po ongerki omwame-me yomOushimba, nde kombinga yaElok, omufimanekwa omubishofi Auala ota ka kala pamwe nomufimanekwa omukulunhutuma wEtumo laSoomi Rev. Mikko lhamäki, nomupashukilishitaingerki shOuninginino Rev. Jason Amakutuwa, nomukwanepangelongerki Rev. Vilho Kaulinge.

Komufala Ndjai Jannie de Wet, waShakati, naye ota ka kala po yo peenghundafana pamwe noilyo ikulunhu yomongudu yokupitifa eeveta mEpangelo lOwambo.

Omushamane lhamäki okwa li yo peenghundafana domOshakati, vo naP. C. Pelsler, oministeli youyuuki yaS.A., ei ya hangika metalepo layo mOwambo.

Eenghundafana domubishofi Dr. Leonard Auala naNdjai Komufala Jannie de Wet, mOshakati, oda pendula omhumbwe kutya di ka twikile fiyo komushamane Johannes Vorster oministeli yotete yaS.A.

Omubishofi Auala eshi a findikila omukanda kuNdjai de Wet, umwaina naao Omapangelongerki eengerki mbali eenghwaevangeli paLuther dovadalelwamo muSuidwes, de u tumina komufimanekwa J. Vorster kuPre-

toria, opo nee eenghundafana doshikalimo mombilive ei oda hovela.

Omukanda ou Omapangelongerki a tumbula okwa ulikila Epangelo laS.A. osho la efa oku shi wanifila ovalaule paufemba wounhu. Ovawiliki veengerki edi mbali ova indila Epangelo nelixupipiko, li tale oshinima eshi noku shi wapeka.

Eenghundafana mOshakati nande oda endele nawa, eshi omubishofi a hovela oku-

## S.A. ota ame komalenga

**"Nande nee S.A. ina itavela epangelo laV.V.O. li longe muSuidwes, itatu ta-manekelwa nande oshinima eshi kutya, S.A. ina konga natango ondjila yokweendifa oshinima eshi nombili," osho oshifo Die Suidwester sha tonga momadiladilo manene asho.**

Oshifo eshi shOshaafrikanisha nohashi longo ngashi okana kepangelo laS.A. muSuidwes, osha yandja omadiladilo asho kombinga yee-mbapila da dile mOmapangelongerki eengerki eenghwaevangeli paLuther muS.W.A.

Oshifo sha tumbulwa osho sha denga unene omufindo komukanda oo wa shangelwa komufimanekwa B.J.Voster, oministeli yotete yaSuid-Afrika omafiku aa, osha nyengwa okutambula omadiladilo aeshe ngashi e li mo mbapila kutya etokolo la ningwa kohofa yo unyuni muDen Haag, otali kala ashike li na elalakano liwa kovanhu vaSuidwes, ngenge S.A. ta hovele okukundafana nombili naV.V.O. kombinga yetokolo olo.

"Eenghendabala dihe na ombili da longifwa nale fiyo opoopo, ngashi enghundipaleko loipindi novakondjelimanguluko nosho tuu, inadi nweywa mo nande kwali ku S.A. ndelene okeengudu dihapu daV.V.O. noda wanifwa komayambeko ehanganano leengerki dounyuni aushe (WCC", oshifo sha ti.

Oifo ihapu yo muS.A. nomuSuidwes, oya mona oitya okutumbula kombinga yeembapila edi deengerki nelipulo komuleshi otali penduka diva ngenge oshilalakanenwa shomikanda edi, osha konekwa ile osha shekwna.

Oshifo "Die Suidwester" osho sha hetekela okunyamukula pamukanda womufima-

### OLYE E VA MONA

**Omukulukadi lwala yaMwandingi novana vaye vatatu ovakainhu, vaSheelongo shaLishako, olye e va mona? Ovanhu vatya ngaha, ova kana nde otava kongwa kovakwao. Ova dile meni loshilongo shUukwanyama pefimbo londjala onene yaxuuninwa, 1915-1916. Nale kwa li va fa hava dumwa lwokombinga yaKalongo naMbalanhu.**

Ou u shii ovanhu ava, ile wa li ho udu nale tava dumwa poima, ile u shii ou ta dulu okuva yukifa, kwafenge u shiivife nge apa u li, ame ndi uye tu kundafane. Ovaeshi vOmu-kwetu amushe ohandi mu indile nefimaneko mu kwafenge nge molukongo eli.

Omashiivifo naa tumwe kuF. Sh. Hailaula, Pk. Eenhana, Owambo.

nekwa Johannes Voster, oshitwa noshitwa, osha limbililwa unene ngenge Omapangelo ongerka edi mbali okwa itavelwa tuu naanaa shimwe kovakwaneongalo aveshe ovo va po pya medina lavo.

Oshifo eshi osha shaameka eenghono dovaviliki veengerki muSuidwes nodovapange li voilongo. Osha nyengwa okutokola kutya enyamukulo olalyelye li na eenghono, noli shi okutambulwa nande aveshe ova popya medina loshiwana, ile lavahapu nokuli.

Mwaashi oshifo osha ulika komanyamukulo a yandjwa koshilyo oshikulunhu mEpangelo IOwambo nokoshilyo oshikulunhu mEpangelo laKavango ava va tile kutya ova nya mukula medina loshiwana okweekelashi etokolo lomhangu younyuni nokulyaameka kEpangelo laS.A.

"Enyamukulo li na eenghono oleengerki. mbela eli li li mumwe novanailongo?" osho oshifo sha pula, nde inashi tumbula omadina ovanailongo ava ve li menyamukulo leengerki.

Nopehe na okumangwa unene kenyamukulo kutya olyelye ta itavelwa" fye otwa itavela notwaama kongundu yoilyo ifimanekwa "yepangelo ivali" (Okavango nOwambo) osho ngaha oshifo she linyamukula.

### Oufemba inau keelelwa

Oshinima shotete osho sha ulikwa momukanda woministeli J. Vorster ngashi Epangelo laS.A. le shi shekuna oku shi yandja kovanhu valo, osho oufemba womunhu.

Apa yo oshifo inashi ongaonga okuyandja enyamukulo. Oshifo eshi osha popya kutya vo kombinga yavo, oufemba, otashi ti, emanguluko lomunhu keshe okulinyenga meni leengaba domudingonoko wounhu waye, meengaba doufyuululwakalo, nowomeni leengaba deemhango deshikulafano mokati kaavo e li muvo, nemanguluko meengaba doshilongo osho ye e li mo, pamukumo waye.

Oshifo osha ti natango kutya, emanguluko inali udika kutya olo edundakano. Ovanhu ovo ve heudite ko emanguluko noufemba wavo, oshifo Die Suidwester osha ti kutya onge nge ashike tava keelelwa koluhepo lwavo loimaliwa.

"Ngenge omunhu ita dulu okufutila ohotela mOvenduka omolwoimaliwa i hepo, ile ita dulu okuningifa oshoongalele sha sha mo ngerki, ile omunhu ou a vakapo oshihauto shaye ita dulu okutetifa ko eke laye kove-

ta yoshilongo, ei itai ti kutya oufemba womunhu owa keelelwa" oshifo sha yeleanifa ngaha.

### Oilumbu nayo otai ngongota

Oshifo eshi osha twikila okuyelekanifa natango oindele novalaule meenhele davo omo ve li mo. Osha holola oindele oyo hai ngongota alushe ya kufwa oufemba eshi ihai pitikwa yuuye meenhele dovalaule.

Ashike oshifo osha itavela yo kutya eenhe le dovatiyaane otadi shili unene ovalaule shi dulife ovatiyaane va shilwe (hokwe) keenhe le dovalaule.

Lo etongoko eli ola etwa po ashike, pa fatululo loshifo "keputuko, nokoshiimati sho mhepo yeshiivo nokeilongo. Kape na osho tashi keelele ovalaule ve shi ninge yo nomeenhele davo ngashi oindele yeshi ninga."

### Ovakwangerki ovafimanekwa


Oshifo "The Windoek Advertiser" hashi di yo mOvenduka melaka IOshingilisha osha holola yo omadiladilo asho omolwomukanda tuu oo wa ya komushamane Vorster.

Moshishangwa osho tashi holola omadiladilo oshifo osha ti kutya, ombilive ei ngenge oya dile kongundu yonhumba youpolitika moshiwana, ngenge oshu uditike ko, nde lene paife onghumwe oi li opo, ngashi oshifo sha ti, oya dja "kovakwangerki ovo va fi manekwa nde otava ti inava pewa okulongi fa oupolitika.

Eengudu dovapolitika adishe muSWA. oda tukaulwa paiwana yado, nde kape na nande oimwe ya mutikwa okupopoya, kakele ashike oyo yaKapriivi."

Oshifo osha pameka ediladilo eli kutya; Eengudu adishe oda mangululwa okuninga oyoongalele yavo ngenge ve shi hala. Ngenge ota pu uya omapiyaaneke meengudu edi, otashi di ashike mewiliko lado. Oshifo eshi shihe fi okanya kepangelo, osha popya natango kutya epangelo inali tongola nande ovalaule meengudu kulo vene ndelene osha itavelwa koiwana yo ovene. Nde pauxuuninwa palimbililo oshifo eshi, osha pula natango ngenge efimbo inali pya Omapangelo omOwambo nOkavango yo a hoolole ovanhu vavo tave va kalelepo momapangelo avo paendaka doshiwana.

**David Scott, Alfred Worden, naJames Irwin, ovo ovalumenhu vatatu Ovayamerika va ya kohani ovo nosheendifo shavo "Apollo 15." Olweendo alishe ola enda nawa**



One mboka mu li po aawinayi, ihe omu shi okugandja kaana yeni omagano omawanawa, unene tuu Ho yeni yomegulu ota gandja uwanawa kumboka taye mu indile. Mat.7:11.

### India tali tana

Oshiwana shalndia osha tengenekwa kutya apa eedula 29 di ka pitila, sho osha hanga nale eemiliyona eyovi limwe, ngenge inape uya elunduluko mokudala. Evalulo loneudo muApilili ola ti kutya oshiwana ashishe paife oshi fike 546,955,945. Ovalumenhu ava ve dule nokuli ovakainhu lwo-20, ove fike 283,055,987. Ovakainhu ove fike 263,899,958. India osho oshitivali mehapupalo lovanhu, shotete oKiina shi na ovanhu eemiliyona 750. Odoolopa ina ovanhu vahapu mulndia oCalcutta, i na eemiliyona 7,040,345. Ei ina ovanhu vanini oMadras, i na ovanhu 2,470,288. Vahapu kave shi shii natango okulesha, nande pefimbo eli okwa ningwa shihapu komahangano okulonga okulesha. Oshilongo osha manguluka hashi pangelwa komwalika-di ministeli Indira Gadhi. Neudo okwa hoolululwa neendaka dihapu neenghono. Ovakali muSuidwes alishe opo va kondo etata lomiliyona paife, ovatilyaane novalaule.



Oshilonga shokuvalitha osho oshilonga sha simana moshilonga shuupangi. Osha longwa wo kaayakulipangi ethimbo ele mboka ya putudhwa mOnandjokwe.

## OSKOLA YOKONANDJOKWE

### Hulpverpleegsteropleiding

Ongundu ompe otayi ka tameka esiku 1 lyaDesemba 1971.

Aakadhona mboka taa nyola ekonakono lya "Junior Sertifikaat" nuumvo (nenge mboka ya pita nale) otaa vulu okutameka moskola ndjika.

Elongo (opleiding) otali ka ningwa pamautho omape gaSuid-Afrikaanse Verpleegstersraad" notali ka kala uule woomvula mbali.

Ngele ou na ehalo okutameka, tuma eindilo lyouye pamwe nombapila yegongalo

kOskola yokOnandjokwe Pk. ONDANGWA, manga esiku eti-20 lyaKotoba 1971, inaali thika.

Omukuluntu gwoskola

### 147 Va fya

Ehepu la dja muLuanda, Angola otali ti kutya mohani ya dja ko omikunda dihapu okwa li da totelwa keeterolesa nde ova mona oshiponga sha kula. Eeterolesa 147 otaku tiwa oda fya, 48 da yehamekwa. Ovanhu 379 ovo va li meekamba ova faduka po, nde oilwifo yomaludi mahapu yeeterolesa oya kwatwa.

### ONDOHOTOLA YOMELA

Olwindji otatu adha uunene kombinga yaakuluntu yetu, itaa longitha nando omeya momagumbo, ihe ngele shila pamwe e li mondjila onde omolwenota lyo lyene lye mu endja mo. Natango ngele taa yi kekango, kuukongo nenge e kekongo lyiimuna ye shimpa tuu ontaku ya pu mo, nena ombago ndjoka oto yi adha ya tsa pothingo omeya, ihe natango omolwenota ngaa.

Shuna utale pombanda koshipalanyolo. Longitha omeya mondau, momuzimbi, uusiku nenge omutenya. Natango koneka oshipalanyolo tuu. Koneka nawa kutya epunda oli li po naanaa tu tye ngashi omashina gofabulika ndjoka hayi longo iinima. Osho wo oshihauto ihashi gwanwa kopetololi ayike opo shi ende. Nepunda ano itali gwanenwa owala kiikulya, molwashoka ando oya longithwa nomeya, aawe. Sho wa tseye iinyanyulitho yi li mela, tseye wo oku yi kwathela pamukalo gwokulongitha omeya ogendji no lwindji mokunwa. Shoka ogo onдохотola yela.

Opu na olwindji etompelo kombinga yaakahahele, aniwa omeya ohage ya etele endjandja. Eeno, pamwe endjandja otali ku kwata owala poshikando, manga inoo igilila. Otandi inekele ngele owe shi ningi olwindji, endjandja oto li tidhile kokule konima yethimbo efupi.

Tameka ngashingeyi, ongoye u tale shoka to ilikolele mo. Ngele tashi vulika, longitha oondooha mbali nenge ndatu mesiku, opo u kwathele iinyanyulitho. Shi yelekela.

Jacky

### OMUKWETU

Oshifo shOngerki onkwaevangeli paLuther yomOwambokavango  
Die Nuusblad van die Evangeliese Lutherse  
Owambokavangokerk  
Oha zi mOniipa,  
Omukuluntu gwoshifo/Hoofredakteur Omumbisofi Dr. Leonard Auula,  
Amushanga/redakteur Sebulon Ekandjo  
Ondando komumvo mOwambo 70c kUushimba noKavango 90c  
Kombanda yomafuta R1. 30.  
Oondando nomambestelo naga tumwe kOmukwetu,  
Oniipa, P/B. 2015, Ondangwa, S. W. A.  
Oshinyolwa shuule

wondeimi	1	otashi futilwa	R1.00
oondeimi	2	"-"	R1.90
oondeimi	3	"-"	R2.70
oondeimi	4	"-"	R3.40
oondeimi	5	"-"	R5.00

Oto vulu okutuma efano lyaashoka wa hala shi tseyithwe nomatumbulo wo gasha ngele ope na.

The Finnish Mission Press Oniipa  
P/B 2015, Ondangwa, S. W. A.